



Sermon
Kx. Dr. Numlaajtsheb Yaaj

“Yexus Khetos Tub Tso Koj Dlim Lawm”

Third Sunday after Pentecost
Our Savior Lutheran Church
6-30-19

Thov txuj koobmoov txujkev hlub hab txujkev humxeeb pub rua mej suavdlawg lug ntawm Vaajtswv kws yog peb Leejtxiv kws yog peb tug Tswv Cawmseej Yexus Khetos. Asmees.

Kalatias 5:1 “For freedom Christ has set us free; stand firm therefore, and do not submit again to a yoke of slavery – *Kev ywjphcej ntawm Khetos tso peb dlim lawm; yog le ntawd ca le sawv khovkho, hab tsi txhob nyoos rua txujkev ua cev qhem lawm.*” Nuav yog Vaajtswv Txujlug (Cross reference – Yauhaas 8:32, 36, Tegnum 15:10, Loos 8:15, 1 Kauleethaus 16:13, 2 Kauleethaus 3:17; 11:20, Kalatias 4:31; 5:13)

Illustration “supporter”

(Show President Trump rally)



Presidential rally yog ib lub caij kws koj yuav pum cov tuabneeg kws tuaj “support – *txhawb*” puab tug tuabneeg ntawd yuav ua tejaam kws txawv txawv. Puab yuav zoo sab, npuajteg, tuav tej dlaim paib, yuav dlha paajpawg, losyog yuav qws zoo sab luag quas nyaav cov tuabneeg txau sab heev rua puab tug tuabneeg. Saib President Trump cov “supporter – *txhawb*,” txawm puab paub tsi paub sov President Trump has le caag los puab yuavtsum ua tug zoo sab npuaj teb hab cu tej paib zoo sab quas hlo. (Show person remove from Trump rally)



Yog koj tsi ua le nuav hab koj tseem ua lwmyaam txawv ces koj yuav raug muab nrhu tawm vim koj tsi “supporter – *txhawb*,” tug tuabneeg ntawd. Saib lub 9/7/18 muaj ibtug tub hluas tsi ua lawv le txhuatug kws yuavtsum zoo sab npuajteg qhuas puab tug tuabneeg, puab rau muab rhu tawm ntawm lub chaw kws nwg sawv ntawd, vim nwg tsi ua tug txhawb zug. (Show supporter for Seng Xiong)




Tej thaum peb pum peb cov Moob tuaj tuav paib txhawb puab tug tuabneeg ua zoo sab qws nrov nrov txawm hastas puab paub losyog tsi paub txug yaam kws puab ua ntawd. Tej tuabneeg kws tuav paib sau hastas, “Free Seng Xiong – Tso Xeeb Xyooj.” Cov tuabneeg nuav puas paub txug hastas Seng Xiong txhum rua kevcai dlaag cov tuabneeg laug le 200 tawm leej, ibtug them le \$2,000 - \$5, 000 hastas puab yuav tau le 10 acres aav, nrug ib lub tsev, tau ntawv khu mob dlawb, tau kawm ntawv dlawb hab dlaag tau le “1.2 million – 1.2 laab duasl” tej nyaj hastas Moob muaj aav lug ua Moob lub tebchaw. (April 12, 2017)

<https://www.twincities.com/2018/03/19/supporters-of-convicted-fraudster-who-promised-new-hmong-homeland-see-their-money-from-government/> Lug ntawm txujkev Ywjphcej, tuabneeg nyam ua lawv le tuabneeg lub sab nyam heev dlua le Vaajtswv sab nyam.

- I. Tuabneeg ua neej lug ntawm ntaus tsaav ntaus yaam. Tej tug tuabneeg yuav ua lub neej lawv nraim le tej tuabneeg kws txawj pav txug nwg lub koomhum. (Show Stalin, Hitler, and Mussolini)




Tej tug tuabneeg ua lub neej lawv le puab tej “Horoscope - saibyaig.” Tej tug tuabneeg yuav ua lub neej lawv le puab siv rag siv phom. Keebkwm tau qha rua peb txug tej cov thawj coj kws nyaum heev hab muab tuabneeg tua pov tseg ua lwj ua lam hab saib tuabneeg tsi muaj nqe le. Tabsi keebkwm kuj qha rua peb hastas “Those who do evil will die by evil – *Tug kws ua phem yeej yuav tuag lug ntawm nwg txuj kev pem.*” Stalin, Hitler, and Mussolini yog cov thawjcoj kws ua phem hab tsimtxom tuabneeg coob heev le. (Show Matthew 4:4)



Coob leej ntau tug tuabneeg nyob rua lub nplajteb nuav yuav nyob rua tej khoom kws nwg ntshaw. Nwg xaav muaj nyaj muaj txaj, muaj vaaj muaj tsev kws yog ua tug muaj tsi yog ua tug pluag. Tuabneeg xaav muaj hab muaj kuas nwg yog tug muaj dlua le lwmtug. Yog leejtwg ua lub neej ywjpheej le nuav, nwg puas yog ua ib lub neej zoo? Yexus hastas “Man shall not live by bread alone, but by every word that comes from the mouth of God – *Tuabneeg yuav tsi yog noj zaub mov xwb, tabsis txhuayaam lug yog lug ntawm Vaajtsv lub qhovncauj lug.*” (Mathais 4:4)


Peb yuav ua lub neej zoo le caag? Yaam dlaab tsi kws ntxag tau peb ua lub neej? Vim peb muaj kev ywjpheej heev. Yaam dlaab tsi kws tswj tau peb ua peb lub neej, tej lug kws peb has, tej kwvtij kws peb tau ua zoo rua los tseem tsi tau ua rua? Tug Thwjtj Paulus tsaab ntawv rua cov Kalatias, nwg tau has txug cov tuabneeg kws ua kev nkauj kev nraug, kev sis ntxub, kev sib khib, hab tej kev quav dlej quav cawv. (Show Galatians 5:1)



Zoo ib yaam le peb nyob rua txheej tam taamsim nuav hab. Tuabneeg tseem naj nub muaj kev ua kev nkauj kev nraug, kev sis ntxub, kev sib khib, hab tej kev quav dlej quav cawv. Peb yuav ua lub neej rua ntawm kev ywjpheej kws yog kev ua cevqhev rua txujkev txhum losyog ua lub neej rua ntawm Vaajtsv Yexus kws tub tso peb dlim ntawm txujkev txhum lawm? Paulus txhaj le sau hastas, “For freedom Christ has set us free; stand firm therefore, and do not submit again to a yoke of slavery – *Kev ywjpheej*


ntawm Khetos tso peb dlim lawm; yog le ntawd ca le sawv khovkho, hab tsi txhob nyoos rua txujkev ua cev qhem lawm.” (Kalatias 5:1)

Cov kwvtij hlub hab movtshua, koj yog ibtug ntseeg lawm, koj yuavtsum ua lub neej rua ntawm Saab ntsujplig. Ntawm saab ntsujplig, Vaajtsv coj koj tawm ntawm qhov tsaus lug rua ntawm qhov kaaj. Ntawm saab ntsujplig Vaajtsv coj koj ntawm txuj kev tuag lug rua ntawm txujkev tau txujsa moog ibtxhis ntawm Tswv Yexus Khetos. Koj yuav le caag koj txhaj le yuav ua tau lub neej rua ntawm saab ntsujplig? (Show John 3:5)




Yexus hastas, “Truly, truly, I say to you, unless one is born of water and the Spirit, he cannot enter the kingdom of God – *Tseeb tag, tseeb tag, Kuv has rua koj hastas, yog leejtwg tsi yug lug ntawm dlej hab ntawm*

ntsujplig, nwg yeej moog tsi tau rua huv Vaajtswv lub tebchaw le.” (Yauhaas 3:5). Yug lug ntawm dlej yog ua kevcai ntxuav, yug lug ntawm ntsujplig yog ntseeg hab ca sab rua Vaajtswv txujkev cawmdlim ntawm Tswv Yexus Khetos. Koj txhaj le yuav muaj feem moog tau txujsa ibtxhis hab ibtxhis. (Show Ezekiel 36:26)




Vaajtswv has le nuav rua Exekees “And I will give you a new heart, and a new spirit I will put within you. And I will remove the heart of stone from your flesh and give you a heart of flesh – *Hab Kuv yuav muab lub sab tshab rua koj, hab tug ntsujplig tshab. Hab kuv yuav tshem lub sab pobzeb tawm ntawm koj cov nqaj hab yuav muab dlua lub sab tshab rua koj.*” (Exekees 36:26). Thaus koj tsi tau paub Vaajtswv, koj tseem ua lub neej muaj kev ywjpheej rua khoom nplajteb. Tabsis thaus koj paub Vaajtswv lawm, koj ua lub neej rua ntawm Vaajtswv, vim koj muaj dlua lub sab tshab hab ua dlua lub neej tshab.

II. Peb ua neej nyob rua txujkev ywjpheej rua lub nplajteb nuav yog tseem nyob nrug rua txujkev txhum. Txujkev txhum naj nub ntxag kuas peb moog ua txhum. (Show we live in a sinful world)



Txujkev txhum yuav ntxag kuas koj tsi txhob noog Vaajtswv lug. Koj ua lub neej muaj kev ywjpheej rua muaj kev lomzem heev dlua le txujkev ua Vaajtswv teg dlejnum. Txujkev ywjpheej yuav coj peb txujkev kuas ua lub neej nrug rag hab phom es tsi txhob ua lub neej rua ntawm saab ntujplig. Txujkev kws yuav dlim tej nuav ces yog nub kws peb tau moog nrug Vaajtswv nyob lawm xwb.

Txujkev txhum yuav ntxag koj hastas, “Koj yeej tsi tau yaam kws koj xaav tau le os, tsi txhob nkim koj lub zug lug thov Vaajtswv. (Show temptation and sin action)



Koj yuavtsum siv koj lub zug lub ntseeg ntxag lwmtug, yog tsi tau ces muab puab ntaus kag yog koj xaav tau yaam kws puab muaj. Txujkev txhum pheed qha kuas koj muaj kev khib, ntsawg lwmtug le, pe dlaab pe mlom, ntxub lwmtug, qas dlub cuam khum nrug rua lwmtug yaam kev tsi zoo le. Txujkev txhum yuav sim koj sab kuas koj tsi txhob ca sab rua Vaajtswv. Txujkev txhum yuav ua rua koj kua koj ntxub kev zoo tig moog ua kev phem. (Show person being pull for dismemberment)



Ntev ntev lug lawm, cov tuabneeg kws raug txim, muaj tej tug raug luas muab puabtxhais teg hab kuastaws khi rua cov saw hlau. Cov saw hlau muab puab txhais teg hab kuastaws nqu tuab txhij rua peg rua nraag mas cov raug txim nuav noog mas puab lub cev zoo nkaus le ib tog nyag moog nyag le lawm. Tug tuabneeg nuav noog mas nwg lub cev nyag ncaim nyag le lawm tag tag. Peb ua ibtug ntseeg peb txujkev ntseeg zoo ib yaam le nuav hab. Vaajtswv kuas peb tig lug ua zoo tabsis kev txhum kuas peb tig moog ua phem. Peb yeej paub lawm tas nwg yuav tsi zoo tabsis txujkev ntxag ntawd ua rua peb has tsi tau tas “I must stop – Kuv

yuavtsum tsum kag.” Peb has rua peb tug kheej tas peb yuav tsi ua le ntawd , tabsis peb pheed ncu quas ntsoov qhov ntawd. Thaum kws peb uv tsi taug lawm ces peb moog ua kag. Thaus peb ua taag peb nyuaj

sab heev ces peb tsi paub sov yuav tig rua qhov twg. Peb tseem muaj txujkev ca sab vim Yexus twb kov yeej txujkev txhum, txujkev tuag, hab dlaab lub fwjchim lawm.

III. Tug Thwjtim Paulus sau hastas “I can do all things through him who strengthens me – *Kuv ua tau txhua yaam lug ntawm nwg tug kws pub kuv muaj zug.*” (Filipis 4:13) **(Show Philipians 4:13)**



Yog muaj tej yaam kws yuav coj koj moog ua kev txhum, yuav sim koj sab, koj yuavtsum tsi txhob ua. Yog muaj tej tug tuabneeg coj koj moog ua kev txhum, tsi txhob nrug puab ua ke. Yog tej yaam kev txhum kws lug rua huv koj lub hlwb, koj yuavtsum tsi txhob xaav ntxiv lawm. Koj yuav ua tau txhuayaam vim Vaajtswv yuav pub lub zug rua koj vim Yexus Khetos tub tso koj dlim lawm. Nwg pub xujkev kaajsab, kev humxeeb, hab kev zoo sab rua koj. **(Show Lear, Live, Share...Christ)**



Cov kwvtij hlub hab movtshua, koj ca le taug txujkev ncaajnceeg. Ua sab ntev taug txujkev kws nqaim kws yuav coj koj moog tau txujsa ibtxhis. Koj yuavtsum xyum ua lub neej lawv le Vaajtswv dlejsab vim Yexus Khetos tub tso koj dlim lawm. Txujmoozoo qha rua peb hastas Yexus moog pe hawm Vaajtswv vim puab kev coj noj coj ua ibtxwm zoo le ntawd. Yexus moog rua tej qhov chaws ntsag tus moog thov Vaajtswv. Peb yuavtsum nrhav tej lub sijhawm kws nyob ntsag tu thov Vaajtswv hab. Yexus moog noog lug qhuabqah huv lub tuamtsev noog Vaajtswv

Txujlug, hab Nwg qha Vaajtswv Txujlug. Peb txhuatug yuavtsum noog Vaajtswv Txujlug hab qha Vaajtswv txujkev cawmdlim rua lwmtug vim Yexus Khetos tub tso koj dlim lawm. Koj yuav taw tau lwmtug lug tau txujkev cawmdlim ntawd hab. Yog le ntawd ca le “Learn...Live...Share Christ – Kawm...Ua lub neej...Qha Khetos rua lwmtug.” Qha hastas Yexus tub tso lub nplajteb nuav dlim ntawm txujkev txhum, kev tuag, hab dlaab lub fwjchim lawm. Ca le ntseeg hab ca sab rua Yexus Khetos, koj txhaj le yuav tau txujsa moog ibtxhis hab ibtxhis. (Yauhaas 3:16) Asmees.

Thov kuas Vaajtswv Txujlug pub rua peb suavdlawg totaub hab nyob kaajsab lug rua ntawm Tswv Yexus Khetos lub npe. Peb txhuatug kws yog Vaajtswv cov mivnyuas peb has: Asmees.